

M319: Maria Magdalena' (Verslegende I)

0,1	[!]	[!]	[!]	[!]	[!]	[!]	.			
0,2	[!]	[!]	[!]	[!]	[!]	.				
0,3	[!]	[!]	[!]	[!]	.	[!]	.			
0,4	[!]	[!]	.	[!]	[!]	[!]	[!]	.		
0,5	[!]	[!]	[!]	[!]	[!]	[!]	[!]			
0,6	[!]	[!]	[!]	[!]	[!]	[!]	.			
0,7	[!]	[!]	[!]	[!]	[!]	[!]	.			
0,8	[!]	[!]	[!]	[!]	[!]	[!]	[!]	[!]	.	
0,9	[!]	[!]	[!]	[!]	.					
0,10	[!]	[!]	[!]	[!]	[!]	[!]	[!]	[!]		
0,11	[!]	[!]	[!]	[!]	[!]	[!]	.			
0,12	[!]	[!]	[!]	[!]	[!]	[!]	.			
0,13	[!]	[!]	/	[!]	[!]	.	[!]	[!]	[!]	.
0,14	[!]	[!]	[!]	[!]	[!]	[!]	.			
0,15	[!]	[!]	[!]	[!]	[!]	[!]	.			
0,16	[!]	[!]	[!]	[!]	.	[!]	.			
0,17	[!]	[!]	[!]	[!]	[!]	[!]	.			
0,18	[!]	[!]	[!]	[!]	/.					
0,19	[!]	[!]	[!]	.	[!]	[!]	.			
0,20	[!]	[!]	[!]	[!]	[!]	[!]	.			
0,21	[!]	[!]	[!]	[!]	/	[!]	.			
0,22	[!]	[!]	[!]	[!]	[!]	[!]	.			
0,23	[!]	[!]	[!]	[!]	[!]	[!]	[!]	.		
0,24	[!]	[!]	[!]	[!]	[!]	[!]	.			
0,25	[!]	[!]	[!]	[!]	[!]	[!]	.			
0,26	[!]	[!]	[!]	[!]	[!]	[!]	[!]	.		
0,27	[!]	[!]	[!]	[!]	.					
0,28	[!]	[!]	[!]	[!]	[!]	[!]	.			
0,29	[!]	[!]	[!]	[!]	[!]	[!]	.			
0,30	[!]	[!]	[!]	[!]	[!]	[!]	[!]	[!]	.	
0,31	[!]	[!]	[!]	[!]	.					
0,32	[!]	[!]	[!]	[!]	[!]	[!]	.			
0,33	[!]	[!]	[!]	[!]	[!]	[!]	[!]	.		
0,34	[!]	[!]	[!]	[!]	[!]	[!]	.			
0,35	[!]	[!]	[!]	[!]	[!]	[!]	.			
0,36	[!]	[!]	[!]	[!]	[!]	[!]	[!]			
0,37	[!]	[!]	[!]	[!]						
0,38	[!]	[!]	[!]	[!]	[!]	.				

0,39 [!] [!] [!] [!] .
 0,40 [!] [!] [!] [!] .
 0,41 [!] [!] [!] [!] [!] .
 0,42 [!] [!] [!] [!] [!] [!] .
 0,43 [!] [!] [!] [!] .
 0,44 [!] [!] [!] [!] [!] [!] [!] .
 0,45 [!] [!] [!] [!] [!] [!] .
 0,46 [!] [!] [!] [!] [!] [!] .
 0,47 [!] [!] [!] [!] [!] .
 0,48 [!] [!] [!] [!] [!] [!] [!] .
 0,49 [!] [!] [!] [!] [!] [!] [!] .
 0,50 [!] [!] [!] [!] [!] [!] [!] .
 0,51 [!] [!] [!] [!] [!] [!] .
 0,52 [!] [!] [!] [!] . [!] [!] [!] .
 0,53 [!] [!] [!] [!] [!] [!] .
 0,54 [!] [!] [!] [!] [!] [!] .
 0,55 [!] [!] [!] .
 0,56 [!] [!] [!] [!] [!] .
 0,57 [!] [!] [!] [!] [!] [!] .
 0,58 [!] [!] [!] [!] [!] [!] [!] .
 0,59 [!] [!] [!] [!] [!] [!] [!] .
 0,60 [!] [!] [!] [!] [!] [!] .
 0,61 [!] [!] [!] [!] [!] [!] [!] [!] .
 0,62 [!] [!] [!] [!] [!] [!] .
 0,63 [!] [!] [!] [!] .
 0,64 [!] [!] [!] [!] [!] .
 0,65 [!] [!] [!] [!] [!] [!] .
 0,66 [!] [!] [!] [!] .
 0,67 [!] [!] [!] [!] [!] [!] [!] .
 0,68 [!] [!] [!] . [!] [!] [!] .
 0,69 [!] [!] [!] [!] [!] [!] .
 0,70 [!] [!] [!] [!] [!] .
 0,71 [!] [!] [!] [!] [!] [!] [!] .
 0,72 dô ne vorhte Marîe niht mêre .
 0,73 si hête verloren allez ire liep .
 0,74 ir mohte roubær noch diep .
 0,75 mêt genemen noch geschaden /
 0,76 mit verlust was si gar überladen
 0,77 ire sêle leben hête si verloren /
 0,78 ire liep hête si lîhte verkoren .
 0,79 si gedâhte ir wær bezzer der têt /
 0,80 denne leiden soliche nôt .
 0,81 “sît ich in lebentiu vinde niht /
 0,82 waz ob mir têtter diu genâde geschihet .
 0,83 daz ich in têtü vinde noch /
 0,84 âne den ich leben niht mohte doch .”
 0,85 als starc als der têt ist diu minne /
 0,86 des wart Marîe wole inne .

0,87 waz mohte ir der tôt anders haben getân
0,88 minne gewan ir ire sêle an
0,89 minne . nam ir entwîden und sin /
0,90 die beide vûert minne hin .
0,91 entwîdente entwîdet si niht .
0,92 gesehente si ouch niht gesihet
0,93 gehoerente si niht gehoeret .
0,94 allz ire leben ist gestoeret
0,95 si ist dâ niht dâ si dâ ist .
0,96 want si ist alliu gar bî Krist .
0,97 dâ er dâ was dâ was si dâ .
0,98 er was aber si en weste swâ .
0,99 Marîe wie sol dir gelingen /
0,100 waz herzen waz râtes waz gedîngen /
0,101 hâst dû daz dû alein stêst /
0,102 bî dem grabe und niht gêst /
0,103 âne dehein gewarheit hin danne /
0,104 als sîn junger habent getân .
0,105 dû koeme êr und belibe nâch in /
0,106 Marîe hâst dû bezzer sin .
0,107 bist dû wîser danne si sîn /
0,108 ist zuo im grôzer diu minne dîn .
0,109 danne sîner junger zuo im sî .
0,110 ist dir sîn liebe nâher bî .
0,111 daz si vûrhtent und dû niht .
0,112 nû merket wâ von daz geschihet .
0,113 si kunde niht wan minnen /
0,114 si kunde sich anders niht versinnen .
0,115 si hête ir selber vergezzen gar /
0,116 vrôuwede vorhte nam si niht war .
0,117 si vergaz iedoch des niht /
0,118 der ir lieber was denne anders iht .
0,119 danoch was ein wunder daz /
0,120 daz si joch sîn gar vergaz .
0,121 daz si in selben erkante niht /
0,122 wande sô wær ir diu geschihet .
0,123 niht geschehen noch der unsin .
0,124 daz si in dem grabe in /
0,125 gesuochet hête daz geloubet mir .
0,126 wæren sîniu wort beliben in ir .
0,127 sô ne hête si / umbe sînen tôt .
0,128 niht gehabet dechein nôt .
0,129 si hâte sich sînes lebes gevrôuwet
0,130 si hête noch geweinet noch getôuwet .
0,131 noch gehabet decheine swære .
0,132 daz er verstolen wære .
0,133 si hête baz sîner urstende /
0,134 sich âne alle missewende .

0,135 gerner gevröuwet und mêr /
 0,136 vroeliche gesprungen wande er /
 0,137 hête ir gesaget daz er solte /
 0,138 sterben und ouch wolte /
 0,139 an dem drittem tage erstên /
 0,140 iedoch begunde ir ze herzen gên /
 0,141 umbe sînen tôt leit sô grôz /
 0,142 daz si sinne wart sô blôz /
 0,143 daz sîner worte niht gedâhte /
 0,144 wande in ire herze gâhete /
 0,145 sô ungevuoger ungemach /
 0,146 dâ von ir ze jehenne geschach .
 0,147 si was leides alsô vol /
 0,148 daz si / niht mohte gedenken wole /
 0,149 allen sin hête si verloren /
 0,150 aller gedinge hête sî verkoren .
 0,151 rât hête si decheinen /
 0,152 si ne kunde niht wan weinen .
 0,153 an der scheide weinte ouch si /
 0,154 wande weinenes kraft beleip ir bî .
 0,155 und dô si weinte dô sach si nider /
 0,156 in daz grap und weinte wider .
 0,157 zwêne engel sach si dô /
 0,158 di sâzen in wîzem gewande sô /
 0,159 ze dem houbete einer der ander ze den vuozen /
 0,160 di wolten ir beide bûezen /
 0,161 ire herzen leit daz si truoc /
 0,162 si vrâgeten sî beide genuoc /
 0,163 waz si sô sêr weinete /
 0,164 waz si mit ire klage meinete /.
 0,165 ô Marîe nû sich /
 0,166 die engel wellent troesten dich /
 0,167 dû hâst trôst vunden /
 0,168 an dînes meisters kundene /
 0,169 dû hâst erzenîe vunden .
 0,170 dir ist lîhte baz geschehen /
 0,171 denne dû dich hâst versehen .
 0,172 dû suochtes niuwan einen /
 0,173 und niht mêr decheinen .
 0,174 und hâst zwêne vunden /
 0,175 die vile wole suochen kunden .
 0,176 die muoste des genüegen /
 0,177 mohte ez sich gevüegen .
 0,178 einen mennischen suochest dû /
 0,179 und hâst zwêne engel vunden nû .
 0,180 dû suochest einen tôten dâ /
 0,181 und vünte zwêne engel lebente sâr .
 0,182 di dû hâst vunden die sint bereit /

0,183 als in ze herze gie dîn leit .
0,184 als si dich troesten wellen /
0,185 alsô gebârten di selben gesellen .
0,186 den dû suochest der tuot dem gelîch
0,187 als ob er niht ahte ûf dich .
0,188 dîne zeher er niene sihet /
0,189 dû ruofest und er en hôte sîn niht .
0,190 er wile dînes gebetes niht entwînden /
0,191 dû suochtes und er læt sich niht vinden .
0,192 er tuot niht ûf dû klopfest an /
0,193 dû gêst im nâch er vliuhet hin danne .
0,194 ô wê hêre Jêsu Krist /
0,195 welich ein wandelunge ditze ist .
0,196 Marîe wie hât sich dîn leit gemêret /
0,197 wie ist er sô gar von dir komen /
0,198 von dem wir daz wole haben vernomen
0,199 dem dû sô liebe wære /
0,200 der dir maniger swære .
0,201 buozte mit den sîezen worten sîn
0,202 dich beredete wider diu swester dîn .
0,203 der dich schermete wider sînen wirt /
0,204 daz dich der nû verbîret .
0,205 hôhe lobete dich der sîeze /
0,206 dô dû im sîn vuoze .
0,207 mit tiuwer salbe bestriche /
0,208 und von im niht entwîche .
0,209 unz dû mit den zehern dîn /
0,210 ouch wîesche wole die vuoze sîn .
0,211 und trûckenetes mit dînem hâre /
0,212 dô wuoch ouch er dich ze wære .
0,213 dô er dir vergap dîn sînde /
0,214 ez wâren wole gestatete ûnde .
0,215 dâ von sô unrein reinic vaz .
0,216 ein smeriger haven hiez ez baz .
0,217 sô schône gar gereinet ist .
0,218 daz got unser hêre Krist .
0,219 vrôuwede mit wîrtschaft hât dâr mit /
0,220 daz ist ouch aller heiligen site .
0,221 eines bekêrten vrôuwent si sich /
0,222 sæligiu Marîe nû sich .
0,223 wie linde er dir ouch hête geben /
0,224 nû sîn dir dîne sînde vergeben .
0,225 dô er sprach daz sîeze wort /
0,226 daz was rîcher salben / hort .
0,227 si minnert den sêren smerzen /
0,228 dînes sîntigen herzen .
0,229 wie minniclîchen er dich gruozte .
0,230 sô dû bî im niht wære /

0,231 daz was im alsô / swære .
 0,232 daz er vile wunderschier /
 0,233 dîn swester sande nâch dir .
 0,234 und hiez dich balde zuo im komen /
 0,235 als wir an der schrift haben vernomen .
 0,236 wie vremedet er dich nû alsô /
 0,237 wâr umbe machet er dich niht vrô .
 0,238 hei wie balde dû koeme dar /
 0,239 und nâme sîner vuoze war .
 0,240 und viel an sîn vuoze /
 0,241 wie verret sich von dir der süeze .
 0,242 ô / Jêsus der bezziste /
 0,243 swâ dich Maria weste .
 0,244 dâ kome si vile balde hin /
 0,245 ire leit gie in daz herze dîn .
 0,246 sô si trûret sô trûrest ouch dû /
 0,247 getriuwer hêrre wâ riuwest dû nû .
 0,248 sô si weint sô weinest dû mit ir /
 0,249 dô si getriuwer Jêsu kom zuo dir .
 0,250 troestente hête dû mit ir bereit /
 0,251 “war haben wir Lazarn geleit .”
 0,252 durch ire liebe hieztes dû in leben /
 0,253 durch siu ruochtest im sîn sêle widergeben .
 0,254 ire klage dû ze vrôuweden kêrtest /
 0,255 dîn minnærinne dû vrôuwede lêrtest .
 0,256 dô dû hêrre durch sî besunder /
 0,257 tæte ditze grôz wunder .
 0,258 allersüezeste meister sprich /
 0,259 wâ mit hête dîn liebiu dich .
 0,260 sît ie iht betruobet /
 0,261 wâr an hête ich geüebet /
 0,262 wâ mit hête si dem süezem herzen /
 0,263 gemachet süezen smerzen .
 0,264 waz hât dîn minnærinne getân /
 0,265 dâr umbe dû dich sô hebest hin danne .
 0,266 wir gehôrten sît nie sünde von ir /
 0,267 wâr umbe scheidest dû sî von dir /
 0,268 wir hôrten daz si was bereit /
 0,269 dô dû in daz grap würde geleit /
 0,270 dô was si diu êrst dâr /
 0,271 gesalbet wolte si vile gar /
 0,272 haben dînen reinen lîp /
 0,273 hin wider kêrte daz getriuwe wîp /
 0,274 vile balde dô si dich niht vant /
 0,275 und sagete ez dînen jungern sâr zehant /
 0,276 die kômen und sâhen /
 0,277 und begunden wider gâhen /
 0,278 vile wunderbalde von dem grabe /

0,279 dô beleip si dâ bî mit ungehabe /
0,280 mit klagenne und mit weinenne /
0,281 wil dû daz heizen und meinen /
0,282 sünde und vüre sünde hân /
0,283 daz hât si vlizicliche getân /
0,284 des mügen wir niht gelouben dir /
0,285 wir lesen von ire gire /
0,286 schol ez aber gire und minne sîn /
0,287 nâch der gegenwart dîn /
0,288 ist ez triuwe di si hât zuo dir /
0,289 sô ruoche hêrre künden mir .
0,290 wâr umbe birgest dû dich hêrre /
0,291 wâr umbe vliuhest dû si sô verre /
0,292 daz si dich gehoern mac noch gesehen /
0,293 noch dir erruofen wâr umbe ist daz geschehen /
0,294 nû sint dir doch liep alle die /
0,295 di dich ouch hêrre minnent hier /
0,296 und alle die dich suochent die vindent dich /
0,297 dû sprichest sô daz las ich /
0,298 qui mane vigilaverint at me invenient me .
0,299 daz schreip ich diutische daz man ez verstê /
0,300 die zuo mir vruo wachent die vindent mich /
0,301 dise vrouwe wachet vile vruo und suochet dich .
0,302 wâr umbe vindet si dich denne niht /
0,303 ei hêrre durch weliche geschiht /
0,304 daz wazzer daz von ire ougen vliuzet /
0,305 die zeher si durch dich giuzet /
0,306 die si umbe ire hêrren weinet /
0,307 waz hât dû hêrre ir dâ mit gemeinet /
0,308 daz dû sî nû niht troesten wil /
0,309 si hête geweinet niht sô vile /
0,310 dô dû sî umbe ire bruoder troestes /
0,311 –[...]
0,312 ist si dir nû als liep als êr .
0,313 wâr umbe treibest dû ûf ire girede mêr /
0,314 ô meister und geziuge wârhaft /
0,315 gedenke an dînes geziuges kraft /
0,316 gedenke an dîne wârheit /
0,317 daz dû Marthen hêtest geseit /
0,318 Marîe hête daz bezzist teil erwellet /
0,319 alsô hêtest ir vore gezelt /
0,320 daz ir niht wirdet benomen /
0,321 merket wole wie daz sî komen /
0,322 wærlîche welte si daz bezziste teil /
0,323 dô si dich welte unser aller heil /
0,324 wie ist aber daz wâr /
0,325 des nime ich hêrre selbe war /
0,326 daz dâr nâch geschriben ist /

0,327 sît dû ir benomen bist
 0,328 nû stêt doch dâ daz ir niht wirdet benomen /
 0,329 wie bist dû denne von ir komen /
 0,330 ist daz teil benomen niht /
 0,331 ob si ez noch hât oder bî ir sihet /
 0,332 waz suochet si denne sô lange /
 0,333 wes wænet ir daz sî gelange .
 0,334 Marîe suochet daz si erwelt hête /
 0,335 vile nâhen ir ze herzen gêt /
 0,336 und weint daz si sich hât verloren /
 0,337 daz er sî sô gar hât verkoren /
 0,338 ô hûetær der liute daz bist dû /
 0,339 hûete ir ire teiles nû /
 0,340 daz si ir hât erwellet /
 0,341 oder wie der wârheit daz gezelt
 0,342 daz wort daz von dînem munde ist komen /
 0,343 ez en wirdet ir niht benomen .
 0,344 man verstê ez denne tougen /
 0,345 swie dû ir von ire ougen /
 0,346 getriuwer hêrre sîst benomen /
 0,347 sô bist dû doch niht von ire herzen komen /
 0,348 Marîe wes sûmest dû dich nû /
 0,349 wes / trûrest und weinst dû .
 0,350 dû hât die engel und sihest ouch sî /
 0,351 und bist in genuoc nâhen / bî
 0,352 des lâ vrouwe genüegen dich /
 0,353 merke gedenke und sich /
 0,354 waz ob der nâch dem dû weinst /
 0,355 den dû suochest und mit triuwen meinest /
 0,356 eteswaz an dir kan entwinden /
 0,357 dâ von er sehen noch / vinden /
 0,358 dich læt sînen gar wünniclichen lîp /
 0,359 mache ende vile getriuwez wîp /
 0,360 der vile grôzer klage dîn /
 0,361 lâ dîn unmâzez weinen sîn /
 0,362 gedenke daz er sprach zuo dir und zuo andern wîben /
 0,363 "lât iuwer weinen umbe mich belîben /"
 0,364 wâr umbe tuost dû des dû niht urloup hât /
 0,365 daz dû dîn weinen niht belîben lâst /
 0,366 er verbôt weinen und dû weinst ie mêre /
 0,367 ich vorhte daz dû in dâ mit betruobest sêre
 0,368 wande wæren im liep die zeher dîn /
 0,369 sô mohte ouch lîhte er die sîn
 0,370 niht enthaben / wande alsô tet er êr .
 0,371 dâ von getriuwiu weine niht mêr .
 0,372 hoere mînen rât / und lâ dich genüegen /
 0,373 daz er dir der engel trôst ruochet gevüegen /
 0,374 vrâge die engel und wis in bî /

0,375 ob si lîhte wizzen wâ er sî .
 0,376 oder waz mit im sî geschehen /
 0,377 den dû suochest . und wil sehen .
 0,378 ich geloube daz si dâr umbe her /
 0,379 komen sîn daz si dîn sêr /
 0,380 und dîn klage minnern wellent /
 0,381 dise himelische gesellen /
 0,382 daz si sîn geziuge sîn /
 0,383 und daz si dich troesten des leides dîn .
 0,384 er habe sî her gesant durch dich /
 0,385 den dû suochest und ouch durch sich /
 0,386 daz si sîn urstende sagen
 0,387 und nemen mit trôste dir dîn klagen /
 0,388 si sprâchen “wîp umbe waz /
 0,389 weinst dû sage uns daz /
 0,390 welich ist dînes leides geschiht /
 0,391 birge vore uns dîn zeher niht
 0,392 ruoche uns dînen muot entbinden /
 0,393 sô lêren wir dich dîn giredede vinden /”
 0,394 dô was si sô gar von ir selbe komen /
 0,395 ir was ire sin sô gar benomen /
 0,396 daz si decheinen trôst entvie /
 0,397 an decheinen trôst si sich lie /
 0,398 wan daz si gedâhte “jâ leider ./
 0,399 waz trôstes ist ir beider ./
 0,400 wer sint dise troestære /
 0,401 si sint mir swære /
 0,402 si beswærent mich und betruobent /
 0,403 decheinen trôst si mir üebent ./
 0,404 ich suoche den schepfær
 0,405 dâ von ist mir swære .
 0,406 alliu geschepfede sô ist mir geschehen /
 0,407 ich / en wile der engel niht sehen .
 0,408 ich wile bî in niht belîben /
 0,409 si ne mûgen niht vertriben .
 0,410 mîniu herzenlîchiu sêr /
 0,411 si gemêrent mir sî mêt .
 0,412 werdent si mir sagente vile /
 0,413 dâ ich in denne antwûrten wile
 0,414 nâch ieslîches wortes sinne .
 0,415 sô vûrhte ich daz si mîn minne .
 0,416 mêt irren denne si vûrderen sî /
 0,417 dâr umbe wile ich in niht wesen bî .
 0,418 niht suoche ich die engele in suoche ich
 0,419 den der sî als wole geschaffen hât als mich .
 0,420 ich suoche niht die engel dâ von lâze ich siu wole sîn .
 0,421 ich suoche den der als wole ist ire hêrre als mîn .
 0,422 mîn hêrre ist mir benomen /

0,423 ich en weiz war er ist bekommen .
 0,424 den suoche ich niht armiu aleinen /
 0,425 er aleine mac mir mîn weinen .
 0,426 benemen und mîn leit /
 0,427 nû ne weiche ich swar er ist geleit .
 0,428 ich sihe umbe mir sô wole geschehen /
 0,429 –[...]
 0,430 nû en sihe ich sîn noch vinde leider .
 0,431 noch die stat dâ er ist geleit der entbire ich beider .
 0,432 wê mir wâ ist des mîn herze gert /
 0,433 ô wê war ist mîn liep gekêrt .
 0,434 ô wê war schol ich gên /
 0,435 wê waz leides wile mich bestên /
 0,436 ich suoche in in dem grabe und hân sîn niht vunden /
 0,437 ich ruofte im und hân sîner antwürte niht entwunden .
 0,438 wâ suoche ich dich ô wê mir /
 0,439 war kume ich hêrre Jêsû zuo dir /
 0,440 ich suoche und vinde niht /
 0,441 ich weiz wole waz mir ze tuon geschihet .
 0,442 ich wile alle die stete die ich mac /
 0,443 durchloufen und wile naht noch tac /
 0,444 beidiu vuoze und ougen /
 0,445 über lût und tougene /
 0,446 gerasten lâzen niemer /
 0,447 si müezen arbeiten iemer .
 0,448 bitterlîchen entwinden /
 0,449 unz ich müeze vinden /
 0,450 den mîn sêle dâ minnet /
 0,451 weinet ougen mîniu und rinnet .
 0,452 nû sehet des daz ich . êr . erblinde /
 0,453 von weinene êr ich des erwinde .
 0,454 ich en vinde den hêrren mîn /
 0,455 ir vuoze lât iuwer rasten sîn /
 0,456 loufet vuoze balde und gêt /
 0,457 und bewart daz ir geliget oder stêt .
 0,458 ê daz mînen hêrren habe vunden /
 0,459 wê mir war ist mîn vrôuwede verschwunden /
 0,460 ô wê mir wâ ist mîn liep verborgen /
 0,461 mînes herzen trôst wâr umbe læst dû mich in disen sorgen /
 0,462 ô alliu mîner sêle süeze
 0,463 ô sælde mîniu . schier mir gebüeze /
 0,464 mînes smerzen der ist unzerliten /
 0,465 ich en weiz welichez wellen welichez vermîden /
 0,466 mich umbevangen herzen sêr /
 0,467 swar ich mich ker hin oder her .
 0,468 zwô angeste sint mir bî sweliche ich erkiuse
 0,469 ô wê an ietweder ich verliuse .
 0,470 belîbe ich bî dem grabe sô vinde ich in / niht .

0,471 gēn ich dâr von vil wê mir geschihet .
 0,472 wande sô en weiz ich niht war ich schol /
 0,473 jâ ich unsæligiu si sint beidiu leides vol /
 0,474 ich en weiz wâ ich in suochen daz ist mîn nôt /
 0,475 daz ich von dem grabe kume daz ist mîn tôt .
 0,476 gēn ich dâ von daz ist ein solicher smerze /
 0,477 dâ von sô gar verdirbet mîn herze /
 0,478 daz niendert dechein helfe dâr zuo gehoeret /
 0,479 wande daz grap würde lîht gestoeret .
 0,480 dâ von ist bezzer daz ich sîn hüete /”
 0,481 alsô gedâhte diu getriuwe in ire gemüete /
 0,482 “ich wile hier stēn und wile hier belîben /
 0,483 und wile al mîn zît hier vertrîben .
 0,484 ich muoz an dirre heiligen stat sterben
 0,485 ob ich doch sô sælic mohte werden /
 0,486 daz ich bî mînes hêrren grabe in / dirre erde /
 0,487 doch tôtiu begraben werde .
 0,488 sô wær doch eteswaz geringer ein bürde /
 0,489 ô wê sælic würde
 0,490 ich armez wîp .
 0,491 ô wê sælic würde mîn kranker lîp .
 0,492 ob er begraben würde bî dem meister mîn /
 0,493 ô wê sælic mohte ouch mîn sêle sîn .
 0,494 ob si koeme in daz werde grap mînes hêrren /
 0,495 waz mohte ir denne iemer gewerren /
 0,496 ob diu sêl mîn armes wîbes
 0,497 vüere ûz dem vazze mînes kranken lîbes .
 0,498 in / daz volle grap der hôhesten êren /
 0,499 mîn lîp pflac mîner sêl ie ze mêrenne /
 0,500 arbeit mit herzen sêre /
 0,501 aber ditz werde grap wirdet mir ein êre .”
 0,502 mîn lîp was ie mîner sêl swæriu bürde .
 0,503 ditz hôchgelobet grap mir ein ruowe würde .
 0,504 die wîl ich lebe sô ist ditz grap mîn trôst /
 0,505 sô ich aber von dem lebene würde erloest /
 0,506 sô ist ditz grap diu ruowe mîn /
 0,507 die wîl ich lebe wile ich bî disem grabe sîn /
 0,508 lebentiu und tôtiu kume ich dâr von niht
 0,509 ich beleip dâr bî swaz mir geschihet /
 0,510 und vile unsæligiu wê nû wê /
 0,511 wie sol ich nû leben iemer mêr .
 0,512 ô wê wie übel mir geschach /
 0,513 dô ich mînen hêrren legen sach /
 0,514 daz ich bî disem grabe dô niht beleip /
 0,515 dô mich nieman dâr von treip /
 0,516 wâr umbe hüete ich niht sînes lîbes /
 0,517 und des grabes wê mich armes wîbes .
 0,518 sô wær ich alsô niht verquolen /

0,519 sô wânte ich niht daz er wær verstolen /
 0,520 hête in ieman genomen / und hête ich daz gesehen /
 0,521 sô wær mir der eintwederz geschehen /
 0,522 ich hête ez in gewert oder ich wær von in niht komen /
 0,523 hête die gesehen die in hêten genomen .
 0,524 ich wolte leider gehalten haben di . ê .
 0,525 und hân den êhêrren gelâzen / ô wê .
 0,526 ich wolte der ê gehôrsam gewesen sîn /
 0,527 und hân niht gehüetet den hêrren mîn .
 0,528 dem diu ê billîche gehôrsam ist /
 0,529 daz bist dû mîn lieber hêrre Jêsu Krist /
 0,530 waz hân ich armiu an mir gerochen
 0,531 want dâ mit wær diu ê niht zerbrochen .
 0,532 si wære –[...]
 0,533 –[...] der ôstertac geniuwet und geêret /
 0,534 er wær mit disem tôten niht gemeilet
 0,535 want der loben dich machet und heilet /
 0,536 dirre tôt unreinet niht di reinen /
 0,537 er reinet di unreine den ich mit weinene /
 0,538 suoche der machet alle die gesunt /
 0,539 die in rüerent und tuot den kunt .
 0,540 genâde wande er erliuhtet sî /
 0,541 die zuo im komen und im sint bî .
 0,542 wâr umbe mane aber ich armiu mich .
 0,543 mînes leides wan dô ich /
 0,544 zuo dem grabe kom dô vant ich ez ûf getân /
 0,545 den ich dâ suochte des vant ich niht / und noch en hân
 0,546 dâ von wile ich hier stên und warten /
 0,547 ich wile hier beiten in disem garten .
 0,548 ob er ieman hier erschîne .
 0,549 nû aber von im die junger sîne /
 0,550 sint gegangen und habent mich aleine /
 0,551 hier lâzen als ich hier stên und weine .
 0,552 ich sihe nieman hier mit mir klagen /
 0,553 wie mohte ich unsæligiu daz vertragen /
 0,554 daz ist wâr ich hân die engel gesehen
 0,555 umbe weliche sache aber daz sî geschehen /
 0,556 wâr umbe si mir erschinen sint .
 0,557 mîner sinne was ich sô / blint /
 0,558 des en weiz ich niht /
 0,559 oder waz mir vrôuweden dâ von geschihet /
 0,560 waz trôstes ich dâ von haben sol /
 0,561 wâr umbe ich weine daz wizzen si vile wole /
 0,562 wâr umbe sprechent si danne “wes weinest dû .”
 0,563 ich bite sî daz si mir niht alsô sprechen zuo /
 0,564 wellent si daz ich niht weine sô tôtent si mich .
 0,565 Jêsu mîn liep ich muoz weinen und suochen dich /
 0,566 ich muoz iemer diu weinende sîn /

0,567 unz ich dich vinde den hêrren mîn /
 0,568 ich werde in des niemer undertân /
 0,569 die wîl ich mînen hêrren niht vunden hân /
 0,570 wê arme mir nû vile armen
 0,571 wer wile sich nû über mich erbarmen .
 0,572 waz tuon ich wâ vinde ich in ./
 0,573 war ker ich mich wâ vinde ich hin /
 0,574 wer rætet mir wen vrâge ich /
 0,575 ô wê wer erbarmet sich über mich
 0,576 wer zeigt mir in den mîn sêl liep hât /
 0,577 wâ er lît wer zeigt mir die stat .
 0,578 ich bite daz er minniclîche kunt tuot /
 0,579 daz sich sêre nâch im senet mîn muot /
 0,580 und daz ich nâch im verswinde von smerzen /
 0,581 und jâmer nâch im hân in mînem herzen /
 0,582 dechein leit gelîchet sich mîner sêre /
 0,583 Jêsu mîn liep kêre wider kêre .
 0,584 ô minniclîcher und mînes herzen girede /
 0,585 gip mir wider vröuwede wirtschaft wirde .
 0,586 und die sælde der gegenwarte dîn /
 0,587 zeige mir dînes antlützes schîn /
 0,588 daz dîn stimme in mîniu ôren hellen muoz /
 0,589 ô aller mîn trôst ô alliu mîn süeze
 0,590 –[...] verschiet /
 0,591 ô triuwe mîniu benim mir mîn warten niht /
 0,592 dô Marîe alsô jâmerlich wort sprach /
 0,593 und sich umbe kêrte sehet wâ si Jêsum stênte sach /.
 0,594 si en weste niht daz er ez was /
 0,595 als ich . in dem evangeliô las .
 0,596 “waz weinest dû wem suochest dû /”
 0,597 alsô sprach ir Jêsus zuo /
 0,598 ô dû alliu gire sêle gire /
 0,599 wâr umbe sprâchest dû alsô ze ir /
 0,600 wâr umbe vrâgest dû waz si klage /
 0,601 des sint noch niht drî tage
 0,602 daz si dich sach hâhen hêrre /
 0,603 und vrâges dû waz ir werre .
 0,604 dû ire gedinge dô si dich sach hâhen .
 0,605 dô sach si durch dîn hende slahen /
 0,606 dâ mit dû sî gesegenet dicke /
 0,607 grôz nagel mit jâmerlîchen blicke /
 0,608 ersach ouch diu vile reiniu süeze /
 0,609 alsam durch dîne schoene vüeze .
 0,610 di êr gewaschen und getrûckent hête diu reine .
 0,611 mit ire zehern mit ire hâre . und vrâgest waz si weine .
 0,612 die si gekûsset hête mit triuwen /
 0,613 daz begunde hêrre ire / weinen niuwen .
 0,614 ieslich dîn leit wart an geleit mit smerzen /

0,615 ez wart durch dîne sîten gegen dem herzen
 0,616 mit einem grôzem sper gestochen /
 0,617 ô wê waz wart an dir tôtem gerochen /
 0,618 sît si ditz allez hête gesehen /
 0,619 vrâgest dû si waz ir leides sî geschehen /
 0,620 nû sach si doch ire sêl varen von ir /
 0,621 wande dîn sêl hêre diu ist ir .
 0,622 daz sach si hêre dô dû lâge tôt .
 0,623 dô dû an dem kriuze lite die nôt /
 0,624 dâr zuo hât si verloren dînen lîp
 0,625 den gesalbet wolte haben / ditze wîp /
 0,626 dâ mit si sich doch ein teil haben getroestet /
 0,627 nû hât sî disiu verlust ie mêr und mêr geroestet .
 0,628 hêre mîn sprichest dû /
 0,629 “wâr umbe weinest dû .”
 0,630 ô wê sûezer meister waz richest dû an ir /
 0,631 diu sich sô gar gelâzen hât zuo dir .
 0,632 wâr umbe weines dû und reizest ire herze /
 0,633 dû allz ire lieb dû aller ire smerze .
 0,634 si hât sich sô gar verlâzen an dich /
 0,635 daz si niht reht ahtet ûf sich /.
 0,636 si / hât sô gar an dich gelâzen ire gewinnen /
 0,637 daz ir anders niht kan gelingen .
 0,638 si ist sô gar in dir daz si niht anders ruochet /
 0,639 dû bist alein den si dâ suochet /
 0,640 si ret von dir si gedenket ouch anders niht /
 0,641 si vrâget aleine von dir want si niht anders sihet .
 0,642 dâ von ist lîhte ouch daz geschehen /
 0,643 daz si dich hêre niht erkennet /
 0,644 und vile balde dich niht nennet /
 0,645 sô gar ist si durch dich von ir selber komen /
 0,646 swie si doch dîn stimme hât vernomen .
 0,647 si hât ir selber decheinen teil lâzen bî ir /
 0,648 sô gar ist si hêre alliu bî dir .
 0,649 sît dû daz hêre vile wole weist /
 0,650 daz si ze nieman treit ire geist /
 0,651 wâr umbe vrâgest dû sî getriuwer hêre /
 0,652 waz si suoche und waz ir wære .
 0,653 wænest dû daz si spreche “ich weine und suoche dich /”
 0,654 êr . dû hêre zuo ir sprechest “daz bin ich /
 0,655 den dû dâ suochest und klagest /”
 0,656 êr denne dû ir selber sagest .
 0,657 die wîl dû dich
 0,658 vore ir hellen wil / wænest dû daz si dich
 0,659 iemer müge erkennen /
 0,660 êr / dû dich oder sî geruochest nennen .
 0,661 si wânte des daz ez der gartenære
 0,662 âne aller slahte zwîvel wære .

0,663 dâr zuo hête si alsô zuo im bereit .
 0,664 “hêrre hâst dû in ûf erhaben ware hâst dû in geleit .
 0,665 daz sage mir dâ nime ich in /”
 0,666 ô minne sêre âne sin /
 0,667 unmæzic liebe unmæzic leit .
 0,668 daz nieman mac gesagen noch hât geseit .
 0,669 des smerzen ein dicker wolken hât bedaht /
 0,670 dirre vrouwen ougen ez ist niht naht
 0,671 daz si der sunnen niht gesehen mac /
 0,672 ez scheint doch durch iriu venster der tac /
 0,673 Marîe durch dînes líbes ôren gêt der sunnen schîn /
 0,674 und îlet vaste in daz herze dîn
 0,675 wole dich wart dir ist dîn vinsten nû benomen /
 0,676 ez ist ein / wünniclich licht in dîn vinsten kômen .
 0,677 daz aber si den niht mohte sehen / den si doch sach /
 0,678 von starker senenten minne daz geschach
 0,679 diu hête ir erblendet sô des herzen ougen /
 0,680 daz ir daz offenbære licht was tougen /
 0,681 nû merket wie übel disiu vrouwe gesihet /
 0,682 si sihet Jêsum und erkennet sîn doch niht .
 0,683 suochest Jêsum ô getriuwe Marîe /
 0,684 wâ umbe erkennest dû sîn niht líbiu sîn amîe /
 0,685 erkennest aber dû vrouwe in
 0,686 wâr umbe suochest in danne dîniu ougen und dîn sin
 0,687 Marîe den dû suochest der suochest dich und ist bî dir /
 0,688 und dû wænest vrouwe daz ez der gartenær sî .
 0,689 er ist eine gartenær daz ist niht gelogen /
 0,690 daz aber Jêsum niht sî des bist dû betrogen /
 0,691 er ist Jêsum und ist ouch eine gartenær /
 0,692 aber alsô solt dû verstên disiu mæ .
 0,693 want er guoten sâmen sæjet in die sêle dîn /
 0,694 und in diu herzen der geloubigen sîn /
 0,695 er ist ein gartenær des man vile wole geniuzet /
 0,696 wande er guotiu werc pflanzet und begiuzet .
 0,697 in den sêlen aller guoten liute .
 0,698 ez ist Jêsum der dâ mit reite ze diute .
 0,699 dises spiles sint geistliche liute vrô .
 0,700 wan dâ von singet man an dem hymno .
 0,701 si vrâget Jêsum waz Jêsum sî .
 0,702 Jêsum sî ir benomen .
 0,703 ûzen und inne ist er ir bî .
 0,704 und vrâget doch war Jêsum sî kômen /
 0,705 er bûwet ire sêl und sæjet sich in sî .
 0,706 und kan si sîn doch niht bekommen .
 0,707 swie dû hêrre Jêsum spilest .
 0,708 in den die Jêsum minnent gar .
 0,709 dû spilest in in dô dû dich hilest .
 0,710 ez ist niht goukel ez ist wâr /

0,711 grôzer got wie dû dich stilest .
 0,712 daz si dîn doch niht werdent gewar /
 0,713 Marîe ez ist Jêsus der mit dir reite /
 0,714 ez ist Jêsus daz ist diu ganziu wârheit /
 0,715 er redete mit dir und suochest dû in tôten doch /
 0,716 er lebet und erkennest dû in niht lebente noch .
 0,717 wærlîche nû ist kunt worden mir /
 0,718 wâr umbe er sich verholen hât vore dir .
 0,719 wâr umbe er sich dir niht zeigen wolte .
 0,720 daz was reht want er ez niht solte .
 0,721 wâr umbe schol sich der zeigen dir .
 0,722 des dû niht suochest Maria daz sage mir .
 0,723 dû suochest den der niendert was daz was wunderlich .
 0,724 und suochest den der doch was wærlîche
 0,725 dû suochest den tôten der dâ was begraben /
 0,726 der was erstanten wie mohtest dû den vunden haben
 0,727 tôten dô er wærlîche lebente was
 0,728 – – . ich weiz wole daz man alsô las .
 0,729 ei vile sûezer meister ir und mân /
 0,730 ich mac niht gar bereden die junger dîn /
 0,731 ich mac vrîlîchen niht geschirmen ire irretuom /
 0,732 ob si doch verirret was dô si suochte Jêsum .
 0,733 sît si dich ouch tôten an dem kriuze sach und tôten nemen dâr abe /
 0,734 sît si dich ouch tôten lâzen hête in dem grabe /
 0,735 dô hête ir daz leit umbe dînen tôt den sin sô gar benomen /
 0,736 daz gedanc dînes lebenes in ire herze niht mohte komen /
 0,737 daz dû begraben wære / daz was ir sô leit .
 0,738 swaz ir von dîner urstende wære geseit /
 0,739 dâ / mohte si decheinen gedingen haben zuo /
 0,740 waz wil dû hêrre daz si anders tuo .
 0,741 dô Josepch begruop dînen lîp /
 0,742 dô begruop ouch dâ mit ire geist ditz getriuwe wîp .
 0,743 ire sêl vereinte sich sô gar mit dem lîbe dîn /
 0,744 daz noch lîhter geschehen mohte sîn /
 0,745 daz sich ire sêl dâ von ire lîp muoz leben /
 0,746 von ir selber lîbe hête gegeben .
 0,747 danne si sich gescheiden hête von dînem tôtem lîbe .
 0,748 sô liep was dîn lîp disem getriuwen wîbe
 0,749 wande ire sêl was wærlîche mêr in dir .
 0,750 danne si hêrre wær in ir .
 0,751 dô hête si hêrre gesuocht dînen tôten lîp .
 0,752 dô suochte ouch ir selber sêl ditze getriuwe wîp .
 0,753 dâ si verlôs dînen lîp / dâ verlôs si ouch ire geist .
 0,754 sô ist ouch daz niht wunder als dû wole weist
 0,755 daz si die wîle niht sinne mac gehalten .
 0,756 die wîl mit dir ire geist ist begraben .
 0,757 daz si dich niht erkennet daz ist niht wunder /
 0,758 wande ire sêl ist von ire lîbe besunder /

0,759 ire sêl wart mit dir begraben /
 0,760 wie mohte si dich dô erkant haben .
 0,761 wâ mit mac man erkennen wan mit dem geiste .
 0,762 des wis ir hêrre volleist .
 0,763 iren geist hâst dû in dînem lîbe /
 0,764 den gip wider disem wîbe .
 0,765 sô gewinnet si wider ire sin /
 0,766 und ist ire irretuom dâ hin
 0,767 wie was aber diu verirret /
 0,768 der dîn tôt sêr wirret /
 0,769 der sô leit umbe dich ist /
 0,770 der dû sô reht liep bist /
 0,771 diu dich sô guotlîche suochte /
 0,772 diu anders trôstes niht en ruochte /
 0,773 ô wê wær ich verirret sô /
 0,774 des unsinnes wær ich vrô .
 0,775 was aber ez ein irretuom /
 0,776 daz si niht kante Jêsum .
 0,777 oder daz si wânte er wær noch tôt /
 0,778 daz tet ir mêr des leides nôt .
 0,779 und diu starkiu minne
 0,780 denne daz si ze unsinne /
 0,781 dechein irretuom brâhte /
 0,782 oder daz si decheines ungelouben ie gedâhte .
 0,783 dâr umbe nû rehter rihtære /
 0,784 und barmherzen helfære /
 0,785 diu starke minne die si hête zuo dir /
 0,786 daz grôz leit daz si hât umbe dich in ir /
 0,787 daz beredte si hêrre wider dich /
 0,788 ob si niht reht verdenket sich /
 0,789 ire triuwe schol sî unschuldigen /
 0,790 ire minne schol sî dir gehuldigen /
 0,791 ob si lîht gegen dir verirret ist /
 0,792 daz was doch âne valschen list .
 0,793 gedenke niht an des wîbes unsinne /
 0,794 gedenke an der jungerinne minne .
 0,795 wande ungeloube hât sî niht von dir gewendet /
 0,796 dîn minne hêrre hât sî erblendet .
 0,797 si weinet hêrre von minne und von leide /
 0,798 daz sî dechein irretuom von dir scheidet /
 0,799 daz ist noch ire vorht noch ire klage /
 0,800 daz ist noch ire gedanc noch ire sage /
 0,801 von minne hât si alsô ze dir gereit /
 0,802 “hâst dû in genomen ware hâst dû in / geleit /
 0,803 daz sage mir dâ nime ich in /”
 0,804 ô welich ein vile gar wîser unsin /
 0,805 wie wizzentlîche si niene weiz /
 0,806 welich ein slehter umbkreiz /

0,807 welich ein wîser irretuom /
 0,808 daz si alsô vrâget Jêsum /
 0,809 welich ein wîse tumbe /
 0,810 der wec dræjete niht umbe /.
 0,811 sô hête si mit den engeln niht bereit /
 0,812 “habet ir in genomen war habet ir in geleit /”
 0,813 si sprach “mîn hêrre genomen ist und geleit ich en weiz ware /”
 0,814 si sprach niht “habet ir in / geleit dare oder dare /”
 0,815 want dîn engel hête dich hêrre niht genomen /
 0,816 dar ouch dû hêrre wære komen /
 0,817 dar hêten dich die engel niht geleit .
 0,818 nû merke hêrre wie wîslîche si reite /
 0,819 si sprach aber hêrre zuo dir /
 0,820 “liep hêrre nû sage mir /
 0,821 hâst dû in genomen ware hâst dû in geleet /”
 0,822 nû merke ez wie gar si sich bewegete /
 0,823 dô si sprach “dâ nime ich in /”
 0,824 nû merke ez welich ein starker sin /.
 0,825 si sprach niht zuo den engeln “nû saget mir /”
 0,826 want si kunden niht gar sagen ir /.
 0,827 swaz von dir gar gesagen wære /
 0,828 want daz sint verholeniu mære /
 0,829 si sprach ez aber hêrre zuo dir /
 0,830 dir was niht unmügelich ze sagenne ir .
 0,831 waz mit ir getân was und wie
 0,832 des wære dû selbe wirkære ie .
 0,833 “ware hâs dû in geleit” ditze wort .
 0,834 sprach si sô dicke als ez sî an hôrte .
 0,835 wâr umbe sprach si sô dicke daz eine
 0,836 sage hêrre waz si dâ mit meine /
 0,837 ich wæne daz si sîn vile in ire herzen tragete /
 0,838 daz si sô dicke mit dem munde sagete .
 0,839 ûz ire herzen ir nieman nemen kunde /
 0,840 daz si sô dicke sprichet mit dem munde .
 0,841 swaz meister machet diu süeze dîn /
 0,842 daz tuot si durch die starke liebe dîn /
 0,843 dû hête ez mit dînem süezem munde bereit .
 0,844 dô dû spræche “ware habet ir Lazarum geleit .”
 0,845 von ire herzen ir daz nieman bringen kunde .
 0,846 sît daz ez gespræche mit dînem munde .
 0,847 si hête dich selben dâ gehalten williclîchen /
 0,848 dâ si dem worte sô stætclîche /
 0,849 lieb ist . wie lieb bis dû ir selbe hêrre guot .
 0,850 sît si dîn wort niht mac gelâzen ûz irem muote /
 0,851 ô schoener Jêsu wie gerne si dîn antlütze sach .
 0,852 sît si dîn wort sô williclîchen sprach /
 0,853 wie gerne hête si gegriffen dîne vüeze /
 0,854 sît ir dîniu wort wâren ze sprechene alsô süeze /

0,855 daz aber si sprach "ware hâst dû in / geleit daz nime / ich in /"
 0,856 hêrre dâr an tuo uns kunt ire sin /.
 0,857 daz si dich nemen wolte wie meinte si daz /
 0,858 daz geruoche uns hêrre bescheiden baz /
 0,859 Josepch vorhte ab dem kriuze nemen dînen lîp /
 0,860 wie vûrhtet sô lûtzel ditze wîp .
 0,861 er getorste in niht genemen . wan mit urloube / und bî der naht /
 0,862 wie hât ir disiu vrouwe des gedâht /
 0,863 daz si noch Pilatum vûrhtet noch der naht bîten wile /
 0,864 wærlîche hêrre des ist dirre vrouwen vile .
 0,865 si sprichet getriuwelîchen "ich wile in nemen /"
 0,866 ei minne starc daz muoz dir gezemen /
 0,867 wê wie getriuwelîchen disiu vrouwe redet /
 0,868 waz ob er in der juden hûs ist geleet .
 0,869 waz wil dû danne tuon getriuwe Maria /
 0,870 "dâ nime ich in dâ /"
 0,871 ob er dâ lît dâ sancte Pêtern vrôs .
 0,872 dâ er sîn verlougenete und ir verkôs /
 0,873 dâ er sich wermete bî dem viuwer /
 0,874 dâ im minne und geloube was vile tiuwer .
 0,875 waz wil dû danne tuon Maria sage an /
 0,876 "dâ nime ich in dâ und tragen dannen /"
 0,877 ô wunderlîchiu geturst dâ ist niht wîp /
 0,878 ô sûezer Jêsu wie liep ir was dîn getriuwer lîp /
 0,879 waz wil dû tuon ob dich meldet diu torwertelinne /
 0,880 sô nime ich in warte welich ein minne .
 0,881 sehet dirre vrouwen stæte sin / vûrhtet niht
 0,882 si wile in nemen swâ er lît oder swer ez sihet .
 0,883 ô wê wie möhte ein geloube stæter sîn
 0,884 ô guoter Jêsu wâr umbe hâs dû vergezzen der worte dîn .
 0,885 waz wile dû hêrre an der getriuwen rechen /
 0,886 wâr umbe sprichest dû niht als dû pflæge / sprechen .
 0,887 "dîn geloube ist / grôz dir geschehe als dû wile /"
 0,888 zeige dich ir want si hât dich gesuochet vile /
 0,889 wâ dû dich geheilet hâst daz zeige ir /
 0,890 dâ nimet si dich wærlîche vile schier /
 0,891 daz si dich in ire herze neme und trage /
 0,892 und daz si dîn urstende dînen jungern sage .
 0,893 guoter meister dû scholt ire gire niht langer haben /
 0,894 want si hât niht dâ si sich mege an gelaben .
 0,895 si hât hêrre dîn gewartet drî tage /
 0,896 daz ire sêl niht spîse hât daz ist ire klage .
 0,897 wan mit dem brôte dînes lîbes /
 0,898 würde der hunger dises wîbes .
 0,899 gebüezet und broseme vol /
 0,900 würden ire lære korbe wole /.
 0,901 wile dû daz si niht verderbe underwegen /
 0,902 sô ruoche ir baz mit spîse pflegen /

0,903 und bueze ires herzen hungernôt .
 0,904 want dû bist daz lebende brôt .
 0,905 daz guoten liuten wole gezimet /
 0,906 daz leben gât und den tôten benimet .
 0,907 dô sprach Jêsus "Maria ." .
 0,908 nû hoeret si sach umbe sâr /
 0,909 nû durch got waz sprach si /
 0,910 si sprach daz wort "raboni /"
 0,911 daz sprichet / meister ze diute /
 0,912 nû merket wunder guote liute .
 0,913 an disem wehsel der hier geschach /
 0,914 dâ wart grôz leit wê und ach /
 0,915 ze grôzen vrôuweden verkêret /
 0,916 als uns Dâvît an dem salter lêret /
 0,917 - - - - - .
 0,918 daz ez des obersten zeswen wehsel sî .
 0,919 hier wurden gewehselt zehere grôzes smerzen /
 0,920 ze minne zeheren des innern herzen /
 0,921 want dô si sich nennen hôte .
 0,922 Maria / mit disem worte .
 0,923 hête er sî gewonet ze nennene /
 0,924 dô begunde si entwînen und erkennen .
 0,925 einer sîezen an dem der si dâ / nante .
 0,926 dâ bî si ire meister erkante .
 0,927 und begunde ire geist aber leben /
 0,928 ir wurden ire sinne wider geben /
 0,929 und dô er ir mêr wolte sagen /
 0,930 des mohte si vore vrôuweden niht vertragen /
 0,931 und mohte langer niht erbîten des er wolte sprechen /
 0,932 und begunde sîniu wort mit antwurte underbrechen .
 0,933 si gedâhte daz si des wortes niht bedurften scholte /
 0,934 sît si daz wort hête vunden als si wolte .
 0,935 si gedâhte "mir ist vile nützer der hort /
 0,936 daz ich wort grîfe danne ich hôte daz wort ." .
 0,937 ô starkiu undultigiu minne /
 0,938 daz des niht genüezet alle ire sinne .
 0,939 daz si Jêsum hôte des wolte sî niht genüegen /
 0,940 si wolte sich mit an grîfenne zuo ime vüegen /
 0,941 si weste wole daz solichiu kraft was in im verborgen
 0,942 diu den sîntære loset von allen sorgen .
 0,943 ô Jêsus hêre allerbezziste
 0,944 und allersüezest meister als si wole weste .
 0,945 dû bist guot den rechten herzen /
 0,946 senfter hêre dû loesest den von smerzen .
 0,947 der einvaltigen an dich gedinget .
 0,948 der dich suochet wie wole dem gelinget /
 0,949 want disiu dîn minnærinne /
 0,950 zuo dir kêrte al ire sinne .

0,951 und suochte einvaltliche /
 0,952 dô vant si dich wærlîche /
 0,953 und wart mêr hêrre von dir gewert .
 0,954 danne verdienet hête oder gegert .
 0,955 nû volgen wir ir nâch mit solicher minne /
 0,956 daz wir des selben lônnes werden inne .
 0,957 suochen wir in mit klagenne und mit weinene /
 0,958 mit rehtem gelouben und mit triuwen schulen wir in meinen .
 0,959 merke wâr umbe ditz sî geschehen /
 0,960 daz er sich dise vrouwen niht lieze sehen /
 0,961 der er doch vergeben hête sünde vile .
 0,962 daz tet er dâr umbe daz er dich lêren wile /
 0,963 daz dû weinest nâch der gegenwart sîn /
 0,964 daz er dir werde daz ist diu giredede dîn .
 0,965 lerne Jêsum liep haben lerne mensch lerne .
 0,966 getrûwe im wole / und vrâge nâch im gerne /
 0,967 lerne durch in vûrhten decheine vreise /
 0,968 wirt durch in arm witewe und weise .
 0,969 suoche decheinen trôst âne in /
 0,970 anderiu dinc versmæhen sî dîn sin /
 0,971 lerne Jêsum suochen in dînes herzen grabe /
 0,972 den stein dîner herte wirf dâr abe /
 0,973 lerne ungelouben von dînem herzen trîben /
 0,974 bî decheinen gelûsten dirre werlt solt dû belîben /
 0,975 alle dise werlt versmæhen lerne bî dirre vrouwen .
 0,976 vrâge wâ und wie dû Jêsum mûgest schouwen .
 0,977 vindest dû niht in / in dir noch /
 0,978 sô stant hier vore und weine doch .
 0,979 belîp an dînem gelouben und an dînen triuwen
 0,980 daz dû in niht vunden hâst / daz lâ dich sêre riuwen /.
 0,981 vrâge bite weine und suoche
 0,982 daz er schiere widerkome und in dir belîben ruoche /
 0,983 daz dû in mit hôchvart vertrîbest daz bewar /
 0,984 zuo dem grabe dînes herzen dare neige dich gar .
 0,985 sîc dich aber und aber dâr in /
 0,986 neige dich dicke ze dînem herzen hin .
 0,987 sihest dû zwêne engel in dînes herzen grabe .
 0,988 daz erhebe dich niht vile vaste aber /
 0,989 zwêne engel sint giredede zweier lebene /
 0,990 diu got guoten liuten hât gegeben /
 0,991 daz ein heizet – /
 0,992 sô heizet daz ander leben – .
 0,993 swer der zweier lebene entwîndet /
 0,994 zwêne engel der in sînes herzen grabe vîndet /.
 0,995 hâst dû dirre giredede in dir entwunden /
 0,996 und hâst doch Jêsum niht vunden .
 0,997 sô lâ / dich der beider niht genûegen
 0,998 und vlîz dich wie dû daz mûgest gevûegen /

0,999 daz dû weinest bitest und raste niht /
 0,1000 verdirp in dir und wirt dir unwiht .
 0,1001 suoche Jêsum unz an die zît /
 0,1002 daz er dir sich selben widergît .
 0,1003 geloube dich sîn êr niht . nû volge mir /
 0,1004 unz dû Jêsum vindest in dir .
 0,1005 erscheinet aber er / dir anders niht .
 0,1006 dâr umbe en hôchverte ouch niht /
 0,1007 als ob dû in habest erkant /
 0,1008 diemüetige dû dich sâr zehant /
 0,1009 neige dich mensch nider neige /
 0,1010 weine bit in daz er dir zeige .
 0,1011 in sînem namen ich dir daz getar /
 0,1012 wole geheizen sicherlîchen gar /
 0,1013 ob dû bî dem grabe dînes herzen belîbest /
 0,1014 ob dû mit weinendem suochene vertrîbest .
 0,1015 dîne zît bescheidenlîche /
 0,1016 ob dû dich neigest diemüeticlîche .
 0,1017 nimest dû bî dirre Marîe bilede .
 0,1018 ist dir ein ieslîch trôst âne Jêsum wilde .
 0,1019 læzest dû decheinen andern trôst in dînen sin /
 0,1020 sô zeiget er sich dir und vindest in .
 0,1021 sô wirdet er dir wærlîche rehte erkant /
 0,1022 und wirdest in lobente mit triuwen zehant .
 0,1023 danne sô wirdest dû dînen vile werden vunt .
 0,1024 andern liuten machen kunt .
 0,1025 hei wie dû danne jûbilierest / und singest /
 0,1026 wie rehte vroelîche dû springest .
 0,1027 sô dû in sihest ûf varen in sînes vateres êre
 0,1028 und dîn girede mit im ziehen dâr nâch iemer mêre .
 0,1029 unz an / dînen tôst sô nimet er die sêle dîn
 0,1030 dâr nâch sô dîn lîp erstêt sô wile er selbe dîn lôn sîn
 0,1031 daz ez geschehe kürzlîche
 0,1032 des helfe uns got der rîche .
 0,1033 und Jêsus daz wole getân kindelîn /
 0,1034 mit Marîen der ûzerwelt muoter sîn /.
 0,1035 des ruoche ouch wesen volleist .
 0,1036 des vateres und des sunes und des heiligen geistes . âmên .